

आकाशवाणी जयपुर-अजमेर
प्रादेशिक समाचार
दिनांक 29.09.2024 समय: 18.45 बजे

- प्रधानमंत्री नरेन्द्र मोदी आकाशवाणी सूं मन की बात कार्यक्रम मांय लोगों सूं स्वच्छता अभियान, जल संरक्षण अर पौधारोपण अभियान मांय सक्रिय रूप ऊं भाग लेबा ने कहा।
- प्रधानमंत्री मन की बात कार्यक्रम रा 10 बरस पूरा होबा माथे आकाशवाणी, दूरदर्शन अर प्रसार भारती री कोशिशों री सरावणा करी।
- मुख्यमंत्री भजन लाल शर्मा री अगुवाई मांय आज राज्य कैबिनेट री बैठक मांय कई अहम फैसला लिया गया।
- स्वच्छता ही सेवा अभियान रे तैत आज प्रदेशभर मांय न्यारी-न्यारी स्वच्छता गतिविधियां राखी गयी।

000

प्रधानमंत्री नरेन्द्र मोदी कह्या के मेक इन इंडिया पहल री वजह सूं भारत विनिर्माण शक्ति रो केंद्र बण ग्यो। वे कह्या के इण अभियान सूं गरिब अर मध्यम वर्ग अर सूक्ष्म, लघु अर मध्यम उद्यमों ने घणो फायदो व्ह्यो है। आकाशवाणी सूं आज मन की बात कार्यक्रम री 114वीं कडी मांय प्रधानमंत्री मेक इन इंडिया पहल री सफलता रो जिक्र कर्या। प्रधानमंत्री लोगों सूं आवा वाळा त्यौहारों रे दौरान देश मांय बणी चीजा ने खरीदबा री अरज करी।

.....

रोजगार मांय बदलाव रो जिक्र करता थकां प्रधानमंत्री कह्या के नया सेक्टर रे आबा रे साथै ई रोजगार रा तरीका भी बदल रह्या है। श्री मोदी क्रियेट इन इंडिया थीम री 25 चुनौतियों रा बारा मांय बताया। इण बरस दो अक्तूबर ने दस बरस पूरा कर लिया स्वच्छ भारत मिशन री सफलता रा बारा मांय बताता थकां प्रधानमंत्री कह्या के इण मिशन री ही सफलता है के 'कचरा सूं कंचन' रो मंत्र लोगों मांय लोकप्रिय व्हे रह्या है। वे कह्या के अबै लोगों ने रिड्यूस्, रियूज अर रिसाइकिल री बात करणी सरू कर दी है। वे इण मिशन ने जन अभियान बणावा वाळा लोगों री सराहवणा करी।

.....

पौधरोपण महाअभियान 'एक पेड मां के नाम' मांय भाग लेबा खातर लोगा ने प्रोत्साहित करता थकां प्रधानमंत्री कह्या के पूरा समाज ने इण रा अणूठा नतीजा मिला है। जो प्रेरणा देवे है। वे कह्या के उत्तर प्रदेश, गुजरात, मध्य प्रदेश, राजस्थान अर तेलंगाना मांय लक्ष्य सूं बत्ती पेड़ लगाया गया जो एक नयो रिकॉर्ड है।

.....

प्रधानमंत्री पाणी ने बचावा खातर कैच द रेन अभियान री भी बात करी। श्री मोदी कह्या के बिरखा रा दिनां मांय बचायो गयो पाणी, जल संकट रा महीना मांय काम आवे है। वे कह्या के 'कैच द रेन' अभियान इण खातर ही बणायो गयो है। विकास भी विरासत भी, इण मंत्र माथे जोर देता थकां प्रधानमंत्री आप रा हाल ही रा अमरीका दौरा मांय अमरीका कानी ऊं करीब तीन सौ प्राचीन कलाकृतियां लौटाय जाबा रो जिक्र कर्या। मातृभाषा रा महत्व माथे जोर देता थकां प्रधानमंत्री कह्या आप रा देश मांय बीस हजार भाषावां अर बोलियां हैं। वणा इन भाषावां, खासकर संथाली भाषा ने बचाव री कोशिश री सरावणा करी। मन की बात कार्यक्रम री 114वीं कडी मांय प्रधानमंत्री कह्या के या कडी वां खातर खास रूप ऊं भावुक कर देबा वाळी है क्योंकि इण रे साथै ई इण कार्यक्रम रा दस बरस पूरा व्हे रह्या है। प्रधानमंत्री आकाशवाणी, दूरदर्शन अर प्रसार भारती सूं जुड़्या लोगों री सरावणा करता थकां कह्या

के वां री कोशिश सूं यो कार्यक्रम इण मुकाम ताई पूग्यो है। आवता त्यौहारां रो जिक करता थकां प्रधानमंत्री कह्या के नवरात्र सूं सरू केर आवता दो म्हीना ताई देश मांय पूजा-अर्चना, व्रत-उपवास अर उच्छाव रो माहौल रेवेला। प्रधानमंत्री आवण वाळा त्यौहारां रे चालता लोगां ने शुभकामनावां दी।

मन की बात कार्यक्रम ने सुणवा खातर प्रदेशभर मांय खासो उच्छाव देख्यो गयो। मुख्यमंत्री भजन लाल शर्मा जयपुर मांय आप रा रहवास माथे जनता रा नुमाइन्दा अर भाजपा कार्यकर्तावा रे साथै प्रधानमंत्री रो सम्बोधन सुण्या। जैसलमेर जिला मांय भी केई ठौड़ां माथे जन प्रतिनिधी, भाजपा पदाधिकारी थानीय लोगां रे साथै मन की बात कार्यक्रम सुण्यो।

000

केंद्रीय सूचना अर प्रसारण मंत्री अश्विनी वैष्णव कह्या के भारत रा माळी हालात दुनिया रा सगळा देशा री तुलना मांय मजबूत है। आज नई दिल्ली मांय संकल्प न्यास प्रतिष्ठान कानी ऊं राखी व्याख्यान शृंखला रा 10वां संस्करण रा सत्र ने संबोधित करता थकां श्री वैष्णव कह्या के दूजा देशा री तुलना मांय भारत मांय उच्च वृद्धि अर मुद्रास्फीति री निम्न दर है।

श्री वैष्णव आर्थिक विकास रा चार स्तंभां रो जिक कर्या। ये चार स्तंभ है— बुनियादी ढांचा मांय निवेश, समावेशी विकास, विनिर्माण अर कानूनां रो सरलीकरण। डिजिटल सार्वजनिक बुनियादी ढांचा री सरावणा करता थकां वे कह्या के भारत मांय दुनिया री सब ऊं उन्नत भुगतान प्रणाली है।

000

मुख्यमंत्री भजन लाल शर्मा री अगुवाई मांय आज राज्य कैबिनेट री बैठक राखी गयी। बैठक मांय न्यारा-न्यारा कर्मचारी कैडर री सेवा नियमां मांय फेरबदल समेत केई फैसला लिया गया। कैबिनेट बैठक मांय लिया गया फैसला री जाणकारी देता थकां उपमुख्यमंत्री दिया कुमारी अर विधि मंत्री जोगाराम पटेल बताया के चतुर्थ श्रेणी कर्मचारी भर्ती नियमां मांय शैक्षणिक योग्यता मांय बदलाव करबा रे पछे अबे 10वीं पास अभ्यर्थी ही आवेदन कर सकेला। प्रदेश मांय चतुर्थ श्रेणी कर्मचारियां री भर्ती आवता दो वरसा मांय लिखित परीक्षा रे जरिये करी जावेला। या भर्ती परीक्षा राज्य कर्मचारी चयन बोर्ड री कानी ऊं राखी जावेला। श्री पटेल बताया के ऊर्जा रा हलकां मांय प्रदेश ने आत्मनिर्भर बणावा री कोशिश करी जा री है। इण कड़ी मांय सौर ऊर्जा उत्पादन खातर हाल ताई 10 हजार 4 सौ 18 हेक्टेयर जमीन केई कम्पनियां ने दी गयी है। बैठक मांय राजस्थान प्रेस प्रतिनिधि अधी स्वीकरण नियमां मांय भी फेर बदल कर्यो गयो है।

000

सिरोही जिला रा आबू रोड़ माथे ब्रह्माकुमारी संस्था मांय स्वस्थ अर सुखी समाज बाबत् आध्यात्मिक सशक्तिकरण मांय मीडिया री भूमिका विषय माथे पांच दिन रा राष्ट्रीय मीडिया सम्मेलन मांय 15 सूं बत्ता सत्र राख्या गया। इण सत्रां मांय देशभर सूं करीब 60 सूं बत्ता मीडियाकर्मी, शिक्षाविद अर विशेषज्ञ आप रा विचार राख्या। सम्मेलन मांय सोशल मीडिया रा सकारात्मक अर नकारात्मक प्रभाव, कृत्रिम बुद्धिमत्ता अर गलत सूचना अर फर्जी खबरां माथे एक सत्र मांय जान्या मान्या शिक्षाविद मानसिंह परमार कह्या के गलत सूचनावां अर फर्जी खबरां देश अर समाज खातर एक बड़ी चुनौती बण गयो है। इण माथे हर जणा ने जिम्मेदारी सूं एक भारतीय नागरिक री भूमिका निभाणी चाहिजे। संस्था री जनसम्पर्क अधिकारी कोमल यादव बताया के सम्मेलन मांय आया विद्वान केई विषयां माथे महताऊ चर्चा करी।

.....

000

स्वच्छता ही सेवा अभियान रे तैत आज प्रदेशभर मांय केई ठौड़ां स्वच्छता गतिविधियां राखी गयी। इणी कड़ी मांय जयपुर कलेक्ट्रेट परिसर मांय स्वच्छता कार्यक्रम रे तैत अधिकारी अर कर्मचारी श्रमदान कर्या। जैसलमेर मांय बस स्टेण्ड माथे नगर पालिका री कानी ऊं सफाई अभियान चलाया गया। इणी भांत पाली मांय भी बांगड़ सफाखाना मांय लोग साफ-सफाई कर स्वच्छता रो संदेश दिया। भीलवाड़ा मांय स्वच्छता पखवाडां रे तैत आज केई सरकारी महकमां मांय

साफ-सफाई करी गई। इण मौके अधिकारी अर कर्मचारीयां मांय स्वच्छता री कानी ऊं जाग जगायी गयी। नीमकाथाणा ज़िला मांय स्वच्छता ही सेवा अभियान रे तैत पुलिस अधीक्षक कार्यालय मांय पुलिसकर्मी साफ-सफाई करी। वठिने ज़िला रा केई थाणा मांय भी साफ-सफाई सूं जुड़ी गतिविधियां करायी गयी। डूंगरपुर ज़िला मांय पुलिस अधीक्षक मोनिका सैन री अगुवाई मांय पुलिसकर्मी स्वच्छता अभियान चलाया अर केई ठौड़ां पौधा लगा र पर्यावरण ने बचावा रो संदेश दिया। भरतपुर कलेक्ट्रेट परिसर मांय आज सुंवारे स्वच्छता अभियान चलायो गयो। कलेक्ट्रेट परिसर मांय अधिकारी अर कर्मचारी प्लास्टिक कचरा ने इकट्ठो कर नष्ट कर्या। इण मौके शहर मांय मोटरसाईकिल रैली मांय भी स्वच्छता रो संदेश दियो गयो।

000

आज विश्व हृदय दिवस है। हृदय रोग री रोकथाम अर इण बाबत् जाग जगाबा वास्ते हर बरस 29 सितम्बर ने यो दिन मनायो जावे है। इण बगत विश्व हृदय दिवस रो विषय है—यूज़ हार्ट फॉर एक्शन। इण मौके देश अर प्रदेश मांय जाग जगाबा खातर केई कार्यक्रम राख्या गया। राजधानी जयपुर मांय केई ठौड़ां माथे केई संस्थावां अर सफाखाना री मदद सूं हृदय रोग जांच शिविर राख्या जा रह्या है। कोटा मांय इण मौके वॉक एण्ड रन मैराथन ने पुलिस अधीक्षक हरी झण्डी दिखा र रवाना कर्या। जैसलमेर मांय आज माहेश्वरी सेवा सदन मांय निःशुल्क स्वास्थ्य शिविर राख्यो गयो।

000

प्रदेश मांय बत्ती ठौड़ां माथे बिरखा रो दौर रूकबा रे साथै दिन रा तापमान मांय बढ़ोतरी जारी है। हाल दक्षिणी पूर्वी ज़िला मांय मानसून री हल्की रंगत बणी व्ही है। मौसम केन्द्र जयपुर सूं मिली जाणकारी रे मुजब काल कोटा, उदयपुर, अजमेर, जोधपुर अर भरतपुर संभागां मांय कटे-कटे छितरायी बिरखा व्हे सके है।

000